



ᐅᑕᑎᑕᑕᑕ ᐅᑕᑎᑕᑕᑕ ᐅᑕᑎᑕᑕᑕ
Building *Nunavut* Together
Nunavut iuuqatigiingniq
Bâtir le *Nunavut* ensemble

Tuhaqtitaujukhaq

Tuhaqtitauhainnaqtukhaq

Ilinniaqtuliqijikkut Havagvia tunijun qaujiharutimingnin unnuidjutimik

Iqaluit, Nunavut (May 30, 2019) – Ilinniaqtuliqijikkut Havagvia ublumi tunijun *Choosing Our Path Forward (Pinikkut Apqutikhaptiknik Hivumun)*, una unniudjuti naunaijaqtait 2018-2019 *Ilinniarnikkut Maligaq* unalu *Inuit Uqauhinginnun Tammaqtailinirmut Maligaq* nunallaani qaujiharutinik.

“Quviagikpiaqtatka uqautiit pivaktavun qaujiharutiptiknin,’ uqaqtuq Minista Ilinniaqtuliqijikkunnin David Joanasié. “Uqautit Nunavunmiunnin ikajuqtuq piliurutainnik tukhiqtauhimajuni aallanguqtirutinik uumunga *Ilinniarnikkut Maligaqmun* uumungalu *Inuit Uqauhinginnun Tammaqtailinirmut Maligaqmun*. Hapkuat uqautiit piliuqtun atauttimun tautugutimik iliharnirnun tammaqtailinirmun akhuuqhainirmullu Inuktunmik.”

Unniudjuti naunaijaqtain tautukpakhaimajain ihumagijaiullu Nunavunmiunnin iliharnikkullu paannarijaujunin ukunani malruuknik-uqauhiqaqtunik iliharnirik uvanilu uqauhimilu iliharutimik, havagutait munaridjutaiullu Nunalingni Ilihaqtuliqijit Katimajiinni (DEA) uvanilu Ilinniaqtuliqijikkut Havagvianin, DEA-kut Katimajiinnin, ukunanilu hivumuutikkullu maligaghani. Unniudjuti ilaqaqtuqlu uqautinik aulapkainikkut aullaqtiffaarnikkullu uqauhimik pitquhimiklu, hakugikhaqnikkullu naamadjutikhanik iliharvikni.

Talvani September 11, 2018mi uvanilu January 22, 2019mi, qaujiharikkut havaktiit aullaqaqtun tamainnun 25nun Nunavunmi nunallaanun. Tamatqutikkut, 829 Nunavunmiun ilauvaktu ukunani qaujiharutini. Ilinniaqtuliqijikkut Havagvia pivaktuqlu titiraqhimajunik tujuutinik 6-sinin DEA-kunnin, tallimanik paannarijainnin timiqutinin, 33ninlu Nunavunmiunnin.

“Nunavunmiut akhuurutiqaqtun iliharnirnun, pipkarumajaiullu nutaqqat inulrammiillu uvani nunami tunijaunirnik nakuutqijaujunik pivigivikhanik pidjutainni,” uqaqtuq Minista Joanasié. “Qujagijumajatka tamaita nunallaat Nunavunmi, ukuallu anginiaqtun ikajurutait havaktiinnin havagviinnin Ilinniaqtuliqijikkut, Pitquhiliqijikkut, ilauvaktunin Nunavut Tunngavitkunnin, ukuallu Katimajiit Nunavunmi DEA-kunnin, havagutait ihagiagijauvaktun.”

